



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ივერიელი მანანა ბენიამინის ასული

ივერიელი მანანა ბენიამინის ასული (დ. 20. XI. 1955, ბორჯომი), სტომატოლოგ-პაროდონტოლოგი. მედ. მეცნ. დოქტორი (1995), პროფესორი (1997).

1979, თსსი-ის დამთავრების შემდგომ, მოღვაწეობს ამავე ინ-ტის თერაპიული სტომატოლოგიის კათედრაზე - იყო კათედრის ასისტენტი (1984-95), დოცენტი (1995-97), პროფესორი (1997- 2006), გამგე (1995-2006).

2007-იდან იყო თსსუ-ის თერაპიული სტომატოლოგიის დეპარტამენტის ხელმძღვანელი, სრული პროფესორი, 2009-14 - თსსუ-ის ა. ურუშაძის საუნივერსიტეტო სტომატოლოგიური კლინიკის დირექტორი, 2009-იდან პარალელურად ხელმძღვანელობს თსსუ-ის პაროდონტისა და პირის ღრუს ლორწოვან დაავადებათა დეპარტამენტს.

ი. მრავალი სამეცნ. შრომის (მ. შ. 3 სახელმძღვანელო, 2 გამოგონება და 2 მეთოდური რეკომენდაცია) ავტორია. მისი კვლევები ეხება პაროდონტიტის მკურნალობის უახლეს მიმართულებებს; პირის ღრუს ლორწოვანი გარსის დაავადებების (სტომატიტების) დიაგნოსტიკისა და მკურნალობის თანამედროვე მეთოდებს და სხვ.

ი. არის საქართველოს სტომატოლოგთა პროფესიული ასოციაციის ვიცე-პრეზიდენტი (2009).

თხზ.: პაროდონტის დაავადებების ფარმაკოთერაპია, თბ., 2009; პირის ღრუს ლორწოვანი გარსის დაავადებები, თბ., 2012; პაროდონტოლოგია, თბ., 2014.
